

UNIVERSITI TEKNOLOGI MALAYSIA

UTM.J.03.01/10.12/3 Jld.2(34)

24 Oktober 2025
25 Jamadil Awal 1447

**PEKELILING BENDAHARI BIL.2/2025
PELAKSANAAN SIJIL PEMATUHAN CUKAI
(TAX COMPLIANCE CERTIFICATE-TCC) BAGI SEMUA KAEDAH
PEROLEHAN BEKALAN, PERKHIDMATAN & KERJA
UNIVERSITI TEKNOLOGI MALAYSIA (UTM)**

Sukacita dimaklumkan bahawa Mesyuarat Jawatankuasa Pengurusan Universiti (JPU) Bil.17/2025 pada 9 Oktober 2025 telah meluluskan cadangan untuk menerima pakai pelaksanaan Sijil Pematuhan Cukai (*Tax Compliance Certificate-TCC*) bagi semua kaedah perolehan bekalan, perkhidmatan dan kerja di Universiti Teknologi Malaysia (UTM).

2. Ini adalah selaras dengan Surat Edaran Kementerian Kewangan Malaysia (MOF), no rujukan MOF.BKP(S) 600-14/15/5 Jld.2 (23) bertarikh 24 Jun 2025 telah memaklumkan penguatkuasaan sepenuhnya arahan pengemukaan Sijil Pematuhan Cukai (*Tax Compliance Certificate- TCC*) sebagai **syarat tambahan wajib dalam dokumen tawaran perolehan Kerajaan.**

3. Sehubungan itu, mulai 1 November 2025, pengemukaan Sijil Pematuhan Cukai (TCC) adalah wajib bagi semua kaedah perolehan bekalan, perkhidmatan dan kerja di Universiti Teknologi Malaysia (UTM). Semua pembekal yang menyertai perolehan di UTM wajib mengemukakan Sijil TCC berstatus **PATUH** dan **MASIH DALAM TEMPOH SAH LAKU.**

4. Adalah menjadi tanggungjawab semua Ketua Pusat Tanggungjawab (PTJ) untuk memastikan Sijil Pematuhan Cukai (TCC) yang berstatus **PATUH** dan **MASIH SAH** dikemukakan oleh pembekal bagi semua perolehan yang dilaksanakan di PTJ masing-masing.

3. Seluruh warga Universiti diminta mengambil maklum pemakaian pekeliling ini dan maklumat lanjut berhubung pekeliling ini boleh didapati di laman web rasmi Jabatan Bendahari <https://bursary.utm.my>.

Sekian, terima kasih.

“MALAYSIA MADANI”

“BERKHIDMAT UNTUK NEGARA KERANA ALLAH”

Saya yang menjalankan amanah,



(ABU BAKAR BIN MOHD SALLEH@AHMAD)

Bendahari

Universiti Teknologi Malaysia

- s.k.
- Naib Canselor
 - Timbalan Naib Canselor (Pembangunan)
 - Timbalan Naib Canselor (Penyelidikan & Inovasi)
 - Timbalan Naib Canselor (Akademik & Antarabangsa)
 - Timbalan Naib Canselor (Hal Ehwal Pelajar & Alumni)
 - Pro Naib Canselor Kampus UTM Kuala Lumpur
 - Pengarah Kampus Pagoh
 - Pegawai-Pegawai Kanan/Dekan/Pengarah



PEKELILING BENDAHARI BIL. 2 TAHUN 2025

**PELAKSANAAN SIJIL PEMATUHAN CUKAI
(*TAX COMPLIANCE CERTIFICATE-TCC*) BAGI SEMUA
KAEDAH PEROLEHAN BEKALAN, PERKHIDMATAN & KERJA
UNIVERSITI TEKNOLOGI MALAYSIA (UTM)**

**JABATAN BENDAHARI
UNIVERSITI TEKNOLOGI MALAYSIA
24 OKTOBER 2025**

Tel: 07-5533333 Faks: 07-5579887 <https://bursary.utm.my>
Emel: bendahari@utm.my

Ruj.Kami : UTM.J.03.01/10.12/3 Jld.2(34)
Tarikh : 24 Oktober 2025

PEKELILING BENDAHARI BIL. 2 TAHUN 2025

Timbalan Naib Canselor (Pembangunan)
Timbalan Naib Canselor (Penyelidikan & Inovasi)
Timbalan Naib Canselor (Akademik & Antarabangsa)
Timbalan Naib Canselor (Hal Ehwal Pelajar & Alumni)
Dekan/Pengerusi/Pengarah
Ketua Bahagian/Jabatan
Universiti Teknologi Malaysia

Assalamualaikum & Salam Sejahtera,
YBhg.Tan Sri/Datuk/Dato'/Prof./Dr /Saudara,

PELAKSANAAN SIJIL PEMATUHAN CUKAI (TAX COMPLIANCE CERTIFICATE - TCC) BAGI SEMUA KAEDAH PEROLEHAN BEKALAN, PERKHIDMATAN & KERJA, UNIVERSITI TEKNOLOGI MALAYSIA (UTM)

1.0 TUJUAN

- 1.1 Pekeliling ini adalah untuk menerangkan tatacara bagi pelaksanaan Sijil Pematuhan Cukai (*Tax Compliance Certificate-TCC*) bagi semua kaedah perolehan bekalan, perkhidmatan & kerja Universiti Teknologi Malaysia (UTM).

- 1.2 Surat Edaran Kementerian Kewangan Malaysia (MOF), bernombor rujukan MOF.BKP(S) 600-14/15/5 Jld.2 (23) bertarikh 24 Jun 2025 telah memaklumkan penguatkuasaan sepenuhnya arahan pengemukaan Sijil Pematuhan Cukai (*Tax Compliance Certificate- TCC*) sebagai **syarat tambahan wajib dalam dokumen tawaran perolehan Kerajaan**. Sila rujuk *Lampiran 1- Contoh Sijil Pematuhan Cukai Bersatus PATUH dan Berstatus TIDAK PATUH*.
- 1.3 Tatacara ini telah dibawa untuk kelulusan Mesyuarat Jawatankuasa Pengurusan Universiti (JPU) Bil.17/2025 pada 9 Oktober 2025.

2.0 LATAR BELAKANG

- 2.1 Tujuan pelaksanaan Sijil Pematuhan Cukai (TCC) ini selaras adalah untuk memastikan hanya syarikat atau pembekal yang mematuhi kewajipan percukaian sahaja dibenarkan untuk menyertai perolehan Kerajaan/UTM.

3.0 PELAKSANAAN SIJIL PEMATUHAN CUKAI (TAX COMPLIANCE CERTIFICATE - TCC) BAGI SEMUA KAEDAH PEROLEHAN BEKALAN, PERKHIDMATAN & KERJA UNIVERSITI TEKNOLOGI MALAYSIA (UTM)

- 3.1 Pengemukaan TCC adalah diwajibkan bagi semua kaedah perolehan bagi semua kategori bekalan, perkhidmatan (perunding dan bukan perunding) dan kerja sama ada secara manual atau sistem. Berikut adalah mekanisme pelaksanaan mengikut kaedah-kaedah perolehan di UTM.

(i) Pembelian Terus

Semakan pematuhan dokumen TCC hendaklah dilaksanakan di peringkat kelulusan penilaian pembelian terus. Sekiranya TCC tidak dikemukakan atau berstatus **TIDAK PATUH** atau **BUKAN DOKUMEN**

TCC YANG SAH (telah tamat tempoh atau palsu), maka Penyedia dan Penyemak hendaklah menetapkan status pematuhan dokumen sebagai **GAGAL** dan mengakibatkan tawaran pembekal tidak disyorkan untuk kelulusan Pegawai Pelulus (Ketua PTJ/ Pegawai yang diwakil kuasa).

(ii) Sebutharga/Tender

Semakan pematuhan dokumen TCC hendaklah dilaksanakan di peringkat pembukaan dokumen tawaran. Sekiranya TCC tidak dikemukakan atau **BERSTATUS TIDAK PATUH** atau **BUKAN DOKUMEN TCC YANG SAH** (telah tamat tempoh atau palsu), maka Jawatankuasa Pembuka Peti Sebut Harga/ Tender hendaklah menetapkan **STATUS PEMATUHAN DOKUMEN** sebagai **GAGAL** dan mengakibatkan tawaran penyebutharga/petender tidak layak dinilai ke peringkat seterusnya. Sila rujuk *Lampiran 2 – Senarai Semak Dokumen Buka Sebut Harga & Tender*.

Manakala Pihak Berkuasa Melulus (PBM), yang terdiri daripada Jawatankuasa Sebutharga A (JKSH A), Jawatankuasa Sebutharga B (JKSH B) dan Lembaga Perolehan Universiti hendaklah memastikan pembekal yang disyorkan mempunyai TCC yang **SAH DAN MASIH BERKUATKUASA**.

(iii) Rundingan Terus

Manakala bagi kaedah perolehan secara Rundingan Terus di bawah PK7 - Pengecualian Daripada Tatacara Perolehan Kerajaan dan W.P7.5 - Prosedur Pengecualian Tatacara Perolehan Menggunakan Sumber Dalaman, pengemukaan TCC adalah **DOKUMEN WAJIB BAGI TUJUAN TUNTUTAN BAYARAN OLEH PEMBEKAL**. PTJ hendaklah

memastikan TCC yang dikemukakan adalah **MASIH SAH DAN BERKUATKUASA (PATUH ATAU TIDAK PATUH)**.

(iv) Lantikan Terus Beserta Kos Siling

Pengemukakan TCC hendaklah ditetapkan dalam tempoh masa 7 hari selepas Surat Niat dikeluarkan. Sila rujuk *Lampiran 3 – Contoh Surat Niat* bagi mendapatkan salinan Sijil Pematuhan Cukai Berstatus Patuh.

- 3.2 Bagi tujuan pelaksanaan TCC ini, pembekal yang berdaftar dengan UTM perlu mengemaskini maklumat TCC pada profil pembekal di sistem ePerolehan UTM. Status kepatuhan dan sah laku TCC perlu disemak semasa peringkat pembayaran. Salinan Sijil Pematuhan Cukai yang **PATUH** dan **SAH** perlu dimajukan bersama dokumen pembayaran yang lain kepada Pejabat Pembayar. Sila rujuk *Lampiran 4 - Manual Kemaskini Sijil Pematuhan Cukai* pada sistem ePerolehan UTM.
- 3.3 Sekiranya status TCC pembekal adalah **TIDAK PATUH** atau **TIDAK SAH**, kelulusan pembayaran perlu ditangguhkan sehingga pembekal mengemaskini maklumat TCC adalah **PATUH** dan **SAH**.
- 3.4 Bagi perolehan yang telah diluluskan sebelum tarikh kuatkuasa pelaksanaan TCC ini, PTJ perlu memastikan **SIJIL TCC YANG SAH DAN MASIH BERKUATKUASA** dilampirkan bersama dokumen pembayaran untuk kelulusan bayaran di peringkat Pejabat Pembayar.

4.0 PEMAKAIAN DAN TARIKH KUATKUASA

- 4.1 Pekeliling ini berkuatkuasa mulai 1 November 2025.
- 4.2 Pekeliling ini hendaklah dibaca bersama Pekeliling Bendahari Bil.2/2024
 - Polisi Perolehan & Prosedur Berkaitan Perolehan Bekalan & Perkhidmatan.